

9 di otubru di 2020

Prezada Komunitadi di Skolas Publikas di Boston,

N sta skrebi nhos, pa-m da nhos un inportanti atualizason relasionadu ku 'skolas ku izames di admisson' di Skolas Publikas di Boston.

Kes três skolas ku izames di admisson di BPS é: Boston Latin Academy, Boston Latin School, i Skola di Matematika i Siensia John D. O'Bryant. Es skolas li ta atendi alunos na series 7-12. Prusesu di admisson ta ser aberto pa tudu alunos di Boston ki sta na 6^a, 8^a i 9^a serie (só O'Bryant), inkluidu alunos ki atualmenti ka sta matrikuladu na un skola di BPS.

Na 2 di julhu di 2020 BPS anunsia ma skolas ku izames di admisson ta ben uza novu teste di avaliason di kresimentu NWEA Measures of Academic Progress (Avaliason di Progresu Akadémiku, MAP pa ses siglas na inglês). Dividu a grandi inpaktu ki pandemia COVID-19 tevi na alunos i familias, BPS lansa [Exam School Admissions Criteria Working Group](#) (grupu ki ta trabadja na kriteriu di admisson di skolas ku izames di admisson) ki ta inklui lideres antigos i atuais, pais, lideres di direitos civis, i antigos alunos. Es grupo trabadja djuntu na pasadu dós meses i es furnese-m rekomendason relasionadu ku politika di admisson pa skolas ku izames di admisson, ki ta iziji un teste di admisson i notas di skola di alunos. Kalker mudansa na prusesu di admisson ta entra en vigor na setenbru di 2021, pa alunos ki sta aplika pa un di kes skolas.

Onti noti, kel grupo [apresenta es rekomendason](#) pa Komité di Skolas di Boston. Grupo rekomenda ki BPS suspendi tenporariamenti admisson pa skolas ku izames di admisson pa ano 2021-22 i pa es uza kel siguinti prusesu li:

- Identifika studantes pa grupo di kandidatos sigundu ses boletin di notas anteriores na Artes di Lingua Inglês i matematica ô resultados anteriores di avaliason. Tudus notas i resultados di avaliason ta refleto dizenpenhu di aluno antes di pandemia COVID-19 i di enseramentu di skolas i ta iziji verifikason di distrito eskolar (ô equivalente) di ki aluno sta ta dizenpenha na nível di serie ku base na padrons di Kurríkulo di Massachusetts.
- Distribui konvitis pa alunos basiadu na bolitin di notas anteriores i na kodigo postal, respeitandu skodjas di familias.
 - 20% di vagas na kada skola ku izames di admisson é reservadu pa midjoris alunos di sidadi ku base na ses GPA (media di notas).
 - Kel otu 80% di konvites é distribuidu uzandu un kombinason di GPA i kodigo postal di undi aluno ta mora.

BPS ta furnesi familias ku otu atualizason relasionadu a politika di admisson i linha di tenpu, dipos di kuarta-fera 21 di otubru, data ki Komité Eskolar sta programadu pa vota na rekomendason fetu. Si nhos teni algun duvida, por favor manda un email pa Servisus di Boas-vindas na exam@bostonpublicschools.org. Obrigadu pa ter skodjedu Skolas Publikas di Boston i pa nhos apoio na djuda-nu furnesi un excelenti edukason pa nhos fidju i pa tudu otus alunos.

Nhas midjores votos,



Dr. Brenda Cassellius
Superintendente

